

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 2. i 4. stav 3. Odluke o redovnom godišnjem popisu imovine, obaveza i potraživanja Zeničko-dobojskog kantona na dan 31.12.2021. godine („Službene novine Zeničko-dobojskog kantona“, broj: 20/21), na prijedlog Centralne popisne komisije Zeničko-dobojskog kantona, Vlada Zeničko-dobojskog kantona, na 143. sjednici, održanoj dana 24.02.2022. godine, d o n o s i

O D L U K U

o usvajanju Elaborata o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2021. godine

Član 1.

(Predmet)

Usvaja se Elaborat Centralne popisne komisije Zeničko-dobojskog kantona o izvršenom redovnom godišnjem popisu imovine, obaveza i potraživanja Zeničko-dobojskog kantona sa stanjem na dan 31.12.2021. godine.

Član 2.

(Nalog za knjiženje)

Nalaže se Ministarstvu finansija – Odsjek za računovodstvo i operativnim jedinicama nadležnih ministarstava, da izvrše sva neophodna knjiženja u skladu sa svim pojedinačnim odlukama za kantonalna ministarstva i uprave i pojedinačne budžetske korisnike nadležnih ministarstava, a koje su priloge Elaborata iz člana 1. ove odluke.

Član 3.

(Realizacija Odluke)

Za realizaciju ove odluke zadužuju se Ministarstvo finansija, Ministarstvo unutrašnjih poslova, Ministarstvo za pravosuđe i upravu i Ministarstvo za obrazovanje, nauku, kulturu i sport, svako u okviru svoje nadležnosti.

Član 4.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjivat će se sa 31.12.2021. godine.

Broj: 02-11-3110/22

Datum, 24.02.2022. godine

Zenica

PREMIJER

Mirnes Bašić

DOSTAVLJENO:

1x Ministarstvo finansija,

1x Predsjednicima svih Centralnih popisnih komisija Zeničko-dobojskog kantona,
putem Ministarstva finansija,

1x „Službene novine Zeničko-dobojskog kantona“,

1x a/a.